

տում է օրէնքի լծից և Ս. Հոգու սրբանուէր
գործիք շինում որին համար վայելքներ են
ամբողջ աշխարհի կայքն ու գոյքը:

Խոնարհութիւնը մարդուն հրեշտակ է դարձ-
նում ամբարտաւանութիւնը — հրեշտակին
սատանայ:

Դու Հայ Ժողովուրդ, մի՞թէ կուզես ամ-
բարտաւանութեամբ հպարտանալ:

Ո՛հ, ոչ. դու կխոնարհուես քո Արարչին
առաջ, որպէս զի բարձրանաս գէպի հորա
փառքը:

Ա. ՏԵՐ. ՄԻՔԵԼԵԱՆ.



ԱԶՆԻՒ ԳՈՐԾՈՂԻՆ:

(1893 թ. Գ. ՃԵՄԱՐԱՆԻ ՏԱՐԵԴԱՐՁԻՆ)

ԿԱՐԴԱՅ ՂԵԼԱՓԱՌ ԼԱՅՐԱՊԵՏԻ ԱՌԱՋ.

Թող ծանրանայ կեանքի խաչն ուսիդ,
Հէք ժողովրդի հարազատ Դու Հայր,
Թող սև-սև վշտեր կուտակուին սրտիդ,
Ճնշէ անխընայ քեզ պատող խաւար:

Թող կեանքի հոսանքն որպէս մի տաշեղ
Քեզ տարուբերէ իւր ալիքներում:
Թող բիրտ ամբոխը մռնչէ ահեղ,
Ըսպառնայ քեզ ահ, սոսկալի անկում:

Մի՛ յուսահատուիր, ով Հայր ցաւատանջ,
Սուրբ է քո ուխտը վրսեմ քո կոչում —
Ինչպէս անվեհեր մի զինուոր Դու քաջ
Անվրհատ բռնիր դրոշմ քո ձեռքում:

Քայլիր անսասան քո ընտրած ուղին,
Դու, ճշմարտութեան հրգօր ջատագով,

Թէև դժնդակ փուշն է անմեկին
Այնտեղ սրփռուած մահաբեր թոյնով:

Քո քարոզած սուրբ, վեհ զաղափարներ
Պիտ առաջնորդին սիրած հայերիդ
Դէպի փառաւոր, դէպի կենսաբեր
Լոյսը շողշողուն, ուղին ճշմարիտ:

Եւ կը դայ մի օր, երբ ընդարմացած
Հէք ժողովուրդը դառն արցունքով
Կըզգայ իր սխալ և ուշքի եկած
Կը վառէ արձանդ ծաղկէ փունջերով:


Եւ կը ծանաչէ անկեղծ, անկաշառ
Իւր բարերարին, իւր ազնիւ գործչին,
Որ չը դըլացաւ իւր կեանքն ոսկեվառ
Ձոհել իւր սիրած, դժուած խեղճ ազգին:

ՍԱՄ. ԴԱԻԹԵԱՆ.

ԱՆ. Գ. ՃԵՄԱՐԱՆԻ Զ. ԴԱՍ.

Ս. Էմիանին

1893. հոկ. 5.



ՄԱՆԿԱՎԱՐԺԱԿԱՆ

ԵՐՐՈՊԵՅԻՆԵՐԻ ԴՊՐՈՑԱՎԱՐՈՒ-
ԹԻՒՆ

(ՄԱՆԿԱՎԱՐԺԱԿԱՆ ՏԵՂԱՏԱԿԱՐԱՆԻՑ.)



Նման յիշատակի արժանի Գէ-
որգ Գ. մեծագործ Հայրապետի
հրամանով, յայտնի է, որ ես
Եւրոպայ գնացի մանկավարժու-
թիւն, դպրոցավարութիւն ուսումնասիրելու
Գէորգեան ճեմարանի մէջ դասախօսելու հա-
մար: Բայց Եւրոպայում գտնուած միջոցիս
ճեմարանի հանգամանքները բոլորովին փո-
խուեցան: Ուսումնասիրութեանս արդիւնքը
և նկատողութիւններս մի գրքոյկ կազմեցին,

որ զանազան ժամանակում, ամփոփ կարգի բերելուց յետոյ, ցանկացայ հրատարակել, բայց մի երկու անգամ հաղիւ Վանկալար-ժանոց՝ ամսագրումն հատուածներ հրատարակեցի։ Այս նկատողութիւններս, ընթերցողները կտեսնեն, մի տեսակ մանկավարժական զրօսանք է. աչքի առաջ կատարուող եթէ կարելի է ասել, կենդանի դպրոցավարութիւն։ Ամբողջ օրեր զանազան աշխարհներում և քաղաքներում դպրոցների մէջ անցուցանելով, գրքոյկիս մէջ էի մտածանում տեսածս, լսածս և իմացածս Այթմ ևս ահա առաջարկում եմ նոյն նկատողութիւններից մի հատուած, փափագելով ի հարկէ, որ «Արարատի» մէջ զուր տեղ բռնած չլինէր այս հատուածը։

Փարիզում գնացի հռչակաւոր «*école Monge*» (Մօնթ ուսումնարան) տեսնելու։ Ուսումնարանը գտնւում է քաղաքի ծայրում՝ Մալէրբ ծառուղու մօտ։ Բէլժիքի Մօնս քաղաքի վարժապետանոցից յետոյ այսպիսի հրաշալի շինութիւն ամենայն յարմարութիւններով, և ոչ մին տեսած էի։ Մօնթ ուսումնարանն հիմնած է մասնաւոր ընկերութիւն և Մօնթ անուն տուած են հիմնադիրներն, պօլիտէքնիկական (քաղմարտեհտական) ուսումնարանի նախկին աշակերտները, քաղմարտեհտական վարժարանի հիմնադիրն երեւելի Մօնթ մատեմատիկոսն էր, որի անունով և կոչուած է ուսումնարանը։ Ֆրանսիայում և այնուհետեւ եւրոպայում լաւ իմաստուն սովորութիւն կայ, իրանց երեւելի մարդիկների անուններն կրկնել, չմոռանալ, վարժարաններ, ծառուղիներ, փողոցներ, հրապարակներ, հիւրանոցներ, գերեզմանոցներ և այլն, երեւելի մարդիկների անուններով են կոչուում, բացի սեփական արձաններից։ Վերադառնալով է պ. Գօդար, (Godare) որը պոշտօնապէս մանկավարժութիւն ուսանների մէջ միայն անուանի անձն չէ, նոյնպէս օրէնքի տաւեր պաշտոդ, ձեւականութեան երկրպագու մարդ չէ, բայց աշակերտներին հօգի ներշնչող, աշակերտներ-

ին շատ սիրելի անձն է։ Աշակերտներին իբրեւ անկեղծ և սիրող էակներին միշտ և ամեն տեղ տեսելի են և վնասակար ձեւապաշտ կուռքեր։ Քարտուղարն է պ. Հէյրան (Heirand), որ և ցոյց տուեց ինձ ուսումնարանը։ Ծառուղու վրայ շինուած էր նոր մեծ շինութիւն մեծ աշակերտների համար, որոնք ամեն կերպով և բոլորովին բաժանուած կլինին միւսներից։ Աշակերտական վճարը թանկ է, ուստի միայն հարուստ վաճառականների զաւակներ կտրողանում են աշակերտ լինել։ Արիստօկրատների (մեծատունների) զաւակները ժէզլիտների մեծ մասամբ գիշերօթիկ դպրոցների մէջ են կրթւում։ Մօնթ ուսումնարանի մէջ 700 աշակերտ են. 20 գիշերօթիկ, մնացածն մեծ մասամբ կիսաթոշակ, այսինքն մնում են ուսումնարանում առաւօտից մինչև երեկոյ, այնտեղ ճաշելով։ Ուսումնարանն իր հանրակառքեր (օմնիբուս) ունի 14 հատ, որոնք առաւօտեան և երեկոյեան բերում—տանում են աշակերտներին իրանց տներ։ Սորա համար սահմանուած է առանձին վճար—տարեկան 300 ֆրանկ (մօտ 100 ռ)։ Վեցամեայ մինչև քսանամեայ աշակերտներ կան։ Վեցամեայ մինչև իննամեայ աշակերտների գասատուներ կանայք են, որ շատ ընաիր և իմաստուն գործ է։ Մանուկներին օգտաւէտ լինելու միակ պայմանը սէրն է. ո՞ր է կարող մանուկներին կանանցից աւելի սիրել։ Մօնթ ուսումնարանի ուսուցիչների ցուցակն առաջ բերելն աւելորդ է, այսքան կասեմ, որ նորա ամենքն, ինչպէս նշանակուած է ցուցակում, ոչ միայն առաջնակարգ արտօնեալ ուսուցիչներ են (պապհօլ ռոճիկներ ստանալով), այլ արտօնեալների մէջ ընտրեալներ են։ Մօնթի գասատուները ոչ թէ միայն գասաւանդութեան մասին մտածելու պորտաւորուած են, այլ առաւելապէս աշակերտներին զարգացնելու և առաջագիժութեան, կատարելագործութեան ճանապարհն ևս սովորեցնելու։ Ուստի կան այնպիսի ուսուցիչներ, որոնց քանի մի իմաստալի խօս-

քերն աւելի նշանակութիւն և արժէք ունին աշակերտների մտաւորական և բարոյական առաջադիմութեան համար, քան թէ մի ուրիշի աւելորդարան ամբողջ տաղտկալի դասախօսութիւնը: Մօնօ ուսումնարանի ուսուցչական խումբը 70 ընտիր, բանիմաց, զարգացած և աշակերտների օգտին նուիրուած անձներից է բաղկացած: Գծուար թէ նոցանից մին վարձկան լինի, պ. Գօգար անսիրտ և անհոգի անձներին Մօնօ ուսումնարանում պաշտօնեայ չէ ընդունում: Երկու ամբողջ օր Մօնօի մէջ անցուցանելով և շաբաթնակ դիտելով աշակերտներին և ուսուցիչներին դաստարաններում և թէ դուրսի զարմանալի բարեկամական և խորին յարգանքի յարաբերութիւններ տեսայ աշակերտների կողմից դէպի իրանց վերատեսուչն և դասատուները, ամեն քայլափոխում երևում էր որ աշակերտների համար շատ թանկագին էին իրանց ուսուցիչներն: Այնտեղ ուսուցիչն այնքան աւելի արժէք ունի վարչութեան աչքում, որքան աւելի յարգելի և սիրելի է աշակերտներին: Խրատանչիւր դասարանն ունի իր գաստիարատը, որը միշտ դասարանի հետ է ամեն տեղ, գասի միջոցին միայն ազատ է: Ուսումնարանի (70) աշակերտ 35 դասարանի մէջ են բաժանուած:

Ուսումնարան մտնելիս նախ հանրակառքերի (օմնիբուսների) բակ եւ մտնում, որտեղից անցնում եւ parloir — խօսարան՝ մի ընդարձակ շատ յարմարութեամբ կահաւորուած սենեակ, որի մէջ աշակերտները տեսնում են և խօսակցում են իրանց այցելող ծնողների հետ: Խօսարան — սենեակը թափերասրահի ձև ունի: Հինգշաբթի օրերն աշակերտներն ազատ են: Վարչութիւնն աշակերտներին առաւել քան ծանօթացնելու համար մատենագիրների հետ՝ վարձած ունի մշտապէս դերասաններ: (Սորա համար տարին 8000 ֆրանկ է ծախսում): 3 ժամին գալիս են դերասանները: Տինգշաբթի օրերը: Նախ ուսուցիչը բացատրում է հատուածներ, յետոյ դերա-

սանները ներկայացնում են նոյն հատուածներն աշակերտների ներկայութեամբ ի հարկէ: Քարտուղարն ինձ հրաւիրեց հետեւեալ օր գալ այս վարժութեանը ներկայ լինել: Այս առաջին բակից միջանցքով, որտեղ պատի վրա եւրօպայի բոլոր երկաթուղիների երևելի քարտէզ կայ, անցնում եւ երկրորդ ընդարձակ հիանալի բակը, որի առաստաղը ծածկուած է ապակիներով, իսկ յատակը ապօպտոփ: Այս բակի մէջտեղ վաքը վանդակ կայ, որով բաժանուած են ուսումնարանի աշակերտների բաժանմունքը: Ընդհանրապէս Գոսնսիայում շատ են բաժանում և հեռացնում միմեանցից աշակերտներին (մեծերին փոքրերից) ամենայն անկարգութեան առաջն առնելու համար:

Ուսումնարանը չորս յարկանի է. մի յարկ գետնի տակ, մի յարկ գետնի վրա, առաջին յարկ և վերին յարկ: Գետնի վրա գտնուած յարկում ծածկուած բակի կողմից և առաջին յարկում իր լայն պատշգամբով, բոլոր շուրջը դասարաններ են: Վերին յարկում ննջարաններ են: Գետնի տակ սեղանատուն և խոհանոցներ են: Վերադասի բնակարանը ծառուղու վրա է մուտքի կողմից, իսկ պաշտօնեաների բնակարանները վերադասի հանդէպ կողմից են բաց բակի մէջ: Շինութեան միւս կողմից կայ բաց բակ աւազով ծածկուած և պարտէզ, դարձեալ վանդակապատով բաժանուած: Այս բակի ծայրում արտաքնոցներ կան. մի նախապատ, սորա ետեւ նրբանցք և բաղմամբիւ խցիկներ փոքր մարդաւի գոռներով, բոլորակ աթոռ նստելու, նոյն նախապատի մի ծայրում ևս բաց մի գոսրաններ: Սեղանատունը գետնի տակի յարկում է. մի ընդարձակ դահլիճ, մարմարիոն սեղաններով երկու կողմից, փայտեայ նստարաններ և ոտներ դնելու տախտակներ: Պատերը վառարանների յախճապակեայ ձևի սպիտակ աղիւսից են: 700 անձն կարող են ծաշել. հիանալի դահլիճ է: Լուսաւոր և յափազանց մաքուր և առանց որևիցէ հոտի:

Գաշիճի կողքին նոյնչափ ընդարձակ նեղ նրբանցք է և բոլոր պատի տարածութեամբ լուսացարաններ են ջրի ծորակներով, իսկ միւս կողմում կախած են սլորուն սրբիչներ, աշակերտներ ճաշից առաջ և ճաշից յետոյ ձեռներ պիտի լուանան: Մենք ներքեւ էինք, երբ մի աշակերտ մտաւ, բարձրացրեց թեւեր, լուսաց ձեռներ, բերան, սրբեց և գընաց, և այս ամենն այն ձևով արեց, որ իսկոյն երևում էր բարեկիրթ պատանի: Սեղանատանը կրած է խոհանոց, հիանալի ահագին և մաքուր երկար նրբանցքով և պատին կպած նոյնչափ երկար սեղանով, որի վրա գնում են ամաններ և սոքա հասնում են աշակերտներին նրբանցքի մէջ շինուած երկաթի վրա սլացող փոքրիկ կառքով, որը քանի մի յարկ ունի: Սեղանատան մօտ կայ հացատուն, ամաններ լուանալու սենեակ, կաթնատուն, բանջարատուն, ձկնատուն, որտեղ ջրի մէջ ձկները մնում են քանի մի օր:

Խոհանոցային շինութիւնների վրայ մի կողմից երաժշտանոցներ են, 12 խցիկ, որտեղ կան դաշնակներ, ջութակներ: Երբ ես շրջում էի, երկու աշակերտ դաշնակ նուագել էին սովորում մի աշակերտ ջութակ: Գրաները փակ են և դռների մէջ երկու բոլորակ փոքր ապակիներ կան, որտեղից ամեն բան երևում է, և այսպէս են ամեն սենեակներում ամեն դռներ երկու ապակով: Երաժշտանոցների մէջտեղ նրբանց կայ: Միւս կողմից բաղանիք էր (կողպուած էր, չտեսայ): Աշակերտներն ամեն եօթնեակ երկու անգամ տաներ են լուանում և երկու անգամ լուսացւում: Այսպիսի մանրակրկիտ մաքրութիւնն անհրաժեշտ է մանաւանդ գիշերօթիկ զրպրոցում և մաքրութիւնն այնպիսի շուշուրութիւն է, որ սմինեին դրամ չարժէ:

Բակի ծայրում կար առանձնացած հիւանդանոց, առանձին պարտէզիկով:

Երաժշտանոցի վրա բոլոր ուսուցիչների ժամանակ անցուցանելու վայելչասենեակներ կային. բիլիարդանոց, գարեջրանոց և ընթեր-

ցարան: Երբ այնտեղ մտանք, ոմանք բիլիարդ էին խաղում, ոմանք գարեջուր էին խմում և ոմանք ընթերցարանում կարդում էին. ուսումնարանը 47 պարբերաթերթ է ստանում՝ ֆրանսերէն, անգլիերէն, գերմաներէն, իտալերէն: Այս վայելչասենեակներն այն նպատակով են սահմանուած, որ ուսուցիչներն ամեն բան դպրոցում ունենան և ստիպուած չլինին հիւրանոցների, ճաշարանների, ընթերցարանների գնալ, այլ ազատ ժամանակներն ևս դպրոցում գտնուել: Այս հաստատութիւնը ոչ մի տեղ չկայ բացի Մօնթ ուսումնարանից: Բոլոր ուսուցիչներն ուսումնարանի մէջ են նախաճաշում ի հարկէ:

Վերին յարկում հինգ ննջարան գաշիճներ կան, ընդարձակ, լուսաւոր, գաղով, երկու կողմից քնելու խցիկներ մարդաչափ տախտակամածով և փոքրիկ դռով իւրաքանչիւր խցիկի մէջ: Խցիկի դուռը փակուած է և աշակերտի մանելուց յետոյ խցիկը կողպուած է գիշերապահը: Գիշերապահը ժամը չորս անգամ անցնում է, եթէ աշակերտը կարիք ունի, գիշերապահին անցնելիս կասէ, և նա կրանայ դուռը և երբ աշակերտը կվերադառնայ, նոյնպէս կը կողպէ: Արտաքնոցը ննջարանի համար մօտ են (սենեակ և բոլորակ աթոռ): Խրաքանչիւր խցիկն ունի սեղան, մահճակալ, հայելի, փոքրիկ գորգ, առաջն մահճակալի զլխին տախտակամածի վրա դարսուած են օճառ, մաքրիչ, սպունգ, վրձին և այլն բաց, որպէս զի մեծաւորը անցնելիս տեսնէ, որ սպասաւորներ մաքրած են ամեն բան: Գաշիճի մէջ բոլոր տարածութեամբ շատ գեղեցիկ ճենապակեայ լուսացարան կայ. տաւաօտներ կէս ժամ շարունակ հոսում է ջուրը, լցուած տաշոր շրջում է և ջուրը թափուած է ներքեւ խողովակների մէջով գընում է, աշակերտների խցիկներին համարների համեմատ են լուսացարաններն ևս: Գաշիճի ծայրում քնած է գաստիարակը, որի մօտ կայ գաղի ծորակ: Ննջարանի գաղը կիսավառ է, գիշերը փոքրիկ ձայն լսելուն պէս

դաստիարակը իր մօտի ծորակով անմիջապէս կ'իվառէ բոլոր գաղերը: Նոյն տեղ առանձին սենեակներում կան կօշկանոց, հանգերձատուն, ճերմակեղէննոց՝ իւրաքանչիւր ննջարանի համար առանձին:

Քարտուղարի սենեակում կայ ֆարիզի քարտէզ և բոլոր աշակերտների ծնողների տները նշանակուած են իրանց փողոցներով, այնպէս որ այժ Զգելուն պէս կ'տեսնէ որտեղ են ընակում: Քարտուղարն իր սենեակում նոյնպէս հեռախօս (տէլէֆօն) ունի՝ որը կ'պուած է կենտրոնական հեռախօսատան հետ: Ծնողներից ով որ կ'ամենում է կրօթանորդագրուի այս հեռախօսատանը, յճարելով տարին 600 ֆրանկ և շատերը բաժանորդագրուած են: Ծնողներ, գրալաճառներ, կառուպաններ և այլն և ով մինի հետ գործ ունի, կ'պատուիրէ հեռախօսատանը որ միացնեն այսինչ անձի հետ, կ'միացնեն և կ'սկսեն անմիջական խօսակցութիւն շատ պարզ և հասկանալի ձևով: Եւ այս վայելութիւնն և յարմարութիւնն արժեն 600 ֆրանկ տարին:

Մօնօ ուսումնարանն օրինակելի շատ մը խիթարական և չքնաղ երեւոյթ է քաղաքակրթութեան և մանկավարժութեան մէջ: շնորհակալութիւն և պատիւ կ'առաւարիչներին: Ուսումնարանն ուսումնասիրելու համար շաքարթներ են հարկաւոր և ոչ թէ մի երկու օր: Եւ շատ և շատ գոհ եղայ, որ կ'արողացայ տեսնել և այստեղ, որ մասնաւոր գպրոց է, անհամեմատ աւելի պատրաստակաւութեամբ և յօժարութեամբ են ընդունում ինձ պէս այցելուներին և շրջեցնում՝ քան թէ տէրութեան գպրոցներում: Երոնց թոյլտուութիւն լինում է տէրութիւնից:

Դասարաններն ընդարձակ են, բարձր լուսաւոր և զարգարուն քարտէզներով, նկարներով և պատկերներով (բայց Բրիւսսէլի դասարաններին չեն համար): Աեղանները նստարանով մենաւոր են. (այսինքն ամեն մի աշակերտի համար առանձին), աջ ծայրում թանաքաման տնիւցած: Աեղանը գրքերի համար

արկղիկ ունի և արկղիկի արտաքին կողմը ապակեայ է, որ ուսուցիչը, դաստիարակն այժ Զգելուն պէս միշտ տեսնէ թէ ինչ ունի աշակերտն արկղիկում և թէ գրքերը կարգով են դասաւորուած: Մտանք մի դասարան: Բնական պատմութեան դաս էր: Դասատուն կին էր: Բոլոր աշակերտներն իսկոյն վերկացան, թողին նստարաններ, կանգնեցին իրանց նստարանների կողքին, ձեռները ծալած կրծքի վրա դրած և կանգնած էին բոլոր ժամանակ մինչև որ ծանուցանում էին իմ ով լինելս և ինձ աթոռ տուին: Յետոյ ուսուցչուհին հրաւիրեց նստելու, նստեցան: Մի աշակերտ (9 տարեկան) սկսեց պատմել դասը: Ուսուցչուհին հարցեր էր առաջարկում, աշակերտը շատ գիտակցաբար էր պատասխանում: Յետոյ ուսուցչուհին սկսեց նոր դաս մեկնել, և անմիջապէս իր մեկնածն հարցնել: Աշակերտները վեր են կենում, ձեռները կ'ուրճքին խաչաձև և պատասխանում են: Եթէ չգիտէ, ուսուցչուհին կրկնում է, գարձալ կրկնում է ամենայն քաղաքավարութեամբ և կ'արեւոր բացատրութիւններով: Ուսուցչուհին առաջ չէ գնում, մինչև որ բոլոր աշակերտները չ'հասկանան, եթէ 5, 10 անգամ կրկնելու ստիպուած լինէր: Ոչ որ յետ պիտի չմնայ: Այս կրտսեր դասարաններում խօսելով են ուսուցանում, բարձր դասարաններում պրօֆէսօրները պատմելով են դասաւանդում և երբեմն հարցնում են: Աշակերտները պատասխանում էին և խօսում էին առանց գոչելու, ծանր և ցած ձայնով: Երբ ես գուրս էի գալիս դասարանից, աշակերտները մի ակնթարթում նոյնպէս վեր կ'ացան, ձեռները ծալած կրծքին դրին և կանգնեցին իրանց տեղերի կողքին: Համազգեստի ձևը սեաւ բաճկոն և սեաւ վարտիկ է:

Երկրորդ օրը գարձալ գնացի Մօնօ ուսումնարան: Խմ ներս մտած ժամին քանի մի հանրակառքերով աշակերտներն ուղումնարան եկան: Հինգշաբթի օրերն զրօսանք է նշանակուած, այս տպուած է դասաւոյցա-

կում ևս իբրև մի պարտք: Գիշերօթիկներին ուղարկում են զբոսնելու Բուսա դը բուլօն անառն կամ ուրիշ մի տեղ, և տպած ունենալով նշանաւոր տեղերի նկարագրութիւնըն թերթիկների վրա, այն թերթիկները տալիս են աշակերտներին: որովք գնալիս կարդում են և տեղագրութիւն սովորում miscere utite duici վայելչականն օգտաւէտի հետ միացնել: Այն թերթիկներից քանի մի հատ ես վերցրի, ապագայում իբրև օրինակ ունենալու ճեմարանի մէջ .. Ազատ բուպէներէց օգտւա քաղելով գնացի տեսնելու բաղանիք: Երկար մաքուր առանց որևիցէ հոտի սենեակի մէջտեղ քարէ յատակ մի գազաշափ լայնութեամբ փորած խողովակով: Այս խողովակի մէջ երկու կողմից կան քառանկիւն տաշակներ և նստարան պտուտակով (տարուբէ): 24 նստարան մի կողմից, 24-ը միւս կողմից, 48 հատ: Աշակերտները նստում են միմեանց հանգէպ և լուանում են օտներ: Զուրը ծորակից է հոսում, յետոյ առանց վեր կենալու՝ նստած դառնում են: միւս կողմը պատրաստ սրբիչներ կան: Նոյն տեղից մի երկու քալի վրա երկու կողմերից տախտակամած խցիկներ կան ցած դառնով խցիկների մէջ լողարաններ ծորակով, մի-մի աթոռ, մի կախարան: Ինն խցիկ մի կողմից, ինն միւս կողմից, ուրեմն 18 աշակերտ միասին են լուացւում:

Երեք ժամին խօսարանի դաշլիճում, որ թատերասրահի ձևով է, հաւաքուեցան աշակերտներ և ուսուցիչներ, մոտաւոր անձների, ինձ ևս քարտուղարը բազմոցի վրա նստեցրեց՝ վերատեսչի կողքին: Վերատեսուչըն սկսեց Մօլիէրի վրա խօսել բեմից, ասելով. Զոգնել են արգէն կրկնելուց, յոգնել են կրկնելուց թէ Արիստիդ արգար է, լուգովի կոս մեծ է, Բօսսիւէն նոյն իսկ պերճախօսութիւնն է, Սէվինիէն շնորհալի է և այլն: Բայց մի բան որ կրկնելուց յոգնած չեն, այն է, որ Մօլիէրը աննման է: Ընդհակառակն ֆրանսացիներն սկսում են Մօլիէրին մի տեսակ պաշտօն մատուցանել, նոյնպէս ինչպէս

որ անգլիացիներն պաշտում են իրանց Շէկսպիրին: Յետոյ համառօտ պատմեց Մօլիէրի կեանքը և Les Femmes savantes (Գիտուն կանայք) հատուածի մասին խօսելով ասաց՝ թէ Մօլիէրն այս գրած է իբրև արհեստ և ասում է թէ ինչպէս կրթելու է կանանց: Զեզ, ասաց, այժմ ինչ խօսեմ կանանց կրթութեան մասին, օրիորդներ չունիք կրթելու, մենք ևս աղաներին ենք կրթում: Բայց երբ ծնողներ կլինիք, ահա Մօլիէրի կարծիքը իմաստուն է, և կարգաց նորա հայեացքը կանանց կրթելու մասին՝ այսինքն կանանց պարտքերի մասին: Երբ նա վերջացրեց, աշակերտներն սկսեցին ծափահարել, վարագոյրը իջեցրին: Աշակերտները շարունակեցին ծափահարել այնքան, որ վարագոյրը բարձրացրին և վերատեսուչն դուրս եկաւ և գրելուս տուաւ իր աշակերտներին և ուրիշներին: Բայց գլխաւոր ժողովուրդը աշակերտներ էին և նա ինքն խօսելիս նոցա էր ուղղում խօսքը: Այնուհետև գերասաններ ներկայացրին Կօրնէյլի Սիննայից մի արարողութիւն և Մօլիէրի Femmes savantes ամբողջապէս: Մի արարողութիւն լսելուց յետոյ՝ ես գնացի: Կրկին մտայ դասարաններ, ամբողջ պատերը զտրդարուած էին նկարներով, քարտէզներով, նշանաւոր անձերի պատկերներով, և ամեն դասարանի մէջ կան զանազան ժողովածուներ՝ հանքային, բոյսերի, հատիկների և այլն: Ամեն բան այնպէս է բարեկարգուած, որ արդուրեւ կրթութեան և առաջադիմութեան տուն լինի, ապա թէ ոչ, ի՞նչպէս կարող է աշակերտն առաջադիմութեան և կատարելագործման ոգի ստանալ, երբ դպրոցն անբարեկարգութեան և մշտական թերութիւնների պատկեր է ներկայացնում: Անբարեկարգ դպրոցն երբեք չէ կարող մարդիկ, ստեղծող մտքիկ արգիւնագործել:

ԽՈՐԷՆ Ծ. Վ. ՍՏԵՓԱՆԷ.

